

Aalisarnermut Piniarnermullu Nalakkersuisoqarfik 24. Oktober 2024

Mail: apn@nanoq.gl

2025-imi qilaluartassiissutissat pillugit tusarniummut Qaanaamiit inassuteqaatit:

2025-imi qilaluartassiissutissat pillugit tusarniut 1. Oktober 2024-imeersoq innersuullugu, Qaanaami Aalisartut Piniartullu Peqatigiiffianniit makkua innersuuppagut:

Qilalukkat qernertat.

Aallarniutigalugu erseqqissaatigisariaqarparput Qaanaami eqqaanilu ta-marmi inuinnarnissamut qilalukkat tunngaviulluinnartuummata, majimiit januarimut inuussutiginiagassagut qilalukkanit qernertanit qularnaatsumik pissarsiarisarpagut, taamaammat qilaluarniarneq Avanersuarmiuisut-sinnut pingaarluinnartuuvoq.

Qaannanut pisassiineq/Kulturikkut pisassiissutit:

Avanersuarmi qilaluarniarneq qaannamit ingerlanneqarpoq, taamaattumik piffissanngorpoq Avanersuarmut qaannamik piniartarnermut pisassiissute-qarnissaa.

Inassutigissavarput sinaaqarnerani pisarineqartartut 40-it kulturikkut pi-sassiissutigineqarnissaat.

Etahmut pisassiissutit killeqarfiata allanngortinneqarnissaanik i-nassuteqaat:

Etahmut piniariartarneq ukiuni kingullerni ajornartorujussuanngooqqavoq, silarput allanngorluinnarnikuuvoq, taamaalilluni ajornakusoortorujussuan-ngorluni Etahmut piniariartarneq. Pisassat pisarineqanngitsoortarnerat

Qaanaami Aalisartut Piniartullu Peqatigiiffiat
3971 Qaanaaq

killeqarfiup allannguallanneratigut allanngortinneqarsinnaasoq isumaqar-pugut:

Etahmut pisassiissutit piniarsinnaanerinit killeqarfiup Udlersuarmit Ka-ngermit kujavartinneqarnissaa inassutigaarput, taamaalilluni taavani pi-sassat piniarnissaat ajornanginnerulaalissamat.

Pisassiissutissatut inassutit:

Naggataatigut imatut inassuteqassaagut:

- 1. Etahmut pisassiissutit tallimat, Kangeq tikillugu piniagassat.**
- 2. Sinaaqarnerani pisassat 40-it qaannamit piniarneqartussat. (Kulturikkut pisassiissutit.)**
- 3. Pisassiissutit naliginnaasut 88-it, Siorapalummiunit, Qaa-naarmiunit Qeqertarmiunillu piniarneqartussat.**

Erseqqissaatigissavarput sikup sinaavani piniarnermi kulturi atorlugu nangertarneq atugarineqarmat, qilaluaq pisarineqartoq piniagataasunit ta-manit Avanersuarmit periaasitoqqat atorlugit agguanneqartarluni/ningert-arineqartarluni. Taamaalilluni neqi mattallu pissarsiarineqartut sinaava-neeqataasunut annikitsuinnaasarlutik. Sikup sinaavani piniarneq kulturi atorlugu ingerlapparput.

Inussiarnersumik inuulluaqqusilluta,

Qaanaami Aalisartut Piniartullu Peqatigiiffiat sinnerlugu



K'ulutana Kvist

Siulittaasoq



Adolf Simigaq

Allatsi